



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

XCVII. Valentin und Peter, Gebrüder, die Stranzen zu Petershagen, verkaufen dem Karthäuser-Kloster bei Frankfurt wiederkäuflich ihren Antheil an Briesen, am 22. Februar 1493.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

XCVII. Valentin und Peter, Gebrüder, die Strantzen zu Petershagen, verkaufen dem Carthäuser-Kloster bei Frankfurt wiederkäuflich ihren Antheil an Briesen, am 22. Februar 1493.

Wir Valentin vnd peter, gebruder, gnant die Strantze, zu petershagen gefessen, Bekennen — —, das wir mit wolbedachtem mute vnd guten rat vnbezungen mit willen vnd vulbort vnser vettern heinrich Strantz, zu Siuerfsdorff gefessen, vnd herman Strantz mit seinem vnmundigen Bruder Bartholomeus, zu petersdorff gefessen, verkowft haben, verkewfen Inn craft disses briues eins rechten ewigen koufs den geistlichen vnd Innigen vetern vnd Brudern, den Carthusern des hawfss barmhertzigkeit gots gnant, vor franckfort gelegen, Im gestifte zu lubus, hern Martino, prior, vnd dem gantzen Conuent vnd alle ere nachkomen prior vnd Conuentshern vnd brudern das anteill des dorfs Briesen vnd alles, das wir dar Inne gehabt haben, als vns das vnser vater seliger angeerbt hat vnd den vorbenomten Brudern zuuorn verkouft hatten, Inn widderkoufs weisse, nach lut der briue darvber gegeben vnd vorbenumpten bruder valentin vnd peter mitsampt vnsern vettern zuuorn beruret, das von dem Irluchten hochgebornnen fursten, vnserm gnedigsten hern, hern Marggraue hanfen, kurfürsten des heiligen Romischen Reichs, zu lehne gehat vnd besessen haben Inn gesampter hant vnd seinen gnade vff gegeben vnd verlassen haben vff der Carthuser behuff als recht ist, Nachdem fotan gut zcuuorn den Carthusern von dem hochgebornnen fursten vnd hern, hern Marggraue friderichen seliger ver-eigent vnd gegeben was zcu einem rechten vnd ewigen eigenthum, Als nemlich einen freien hoff mitsampt der scheferei vnd dreien hufen vnd suft aller Zcubehorung, demselbigen houe vnd einer wesen zewischen dem dorff vnd pusche gelegen mit erer grenitz, darzu Zehen huben, der itzliche tzinfet Zweintzig groschen ierlichen, Zwelff kosten houe mit eren tzinsen, dinst vnd aller gerechtigkeit, als von older gewest ist, mitsampt dem teile des puschs vns angehorende, als is leit mit seinen grenitzen; Das gantze lehn vber einen wispel pacht dorfulueft vff der mollen zu Briesen, den die Grosen, burger zu franckfurt, bas zu differ tzeit von vns, vnsern vettern zu lehn gehat vnd besessen haben: vnd vertzeigen vns gantz vnd all derselbigen herschaft, nachdem vnsern vettern sonderliche genuge darvor gescheen ist, vnd die Grosen an die vorbenomten Carthuser mit hant vnd munde gewesen haben, Vnd suft all vnser recht, gerechtigkeit Oberst vnd niderst Im dorff, Im felde, In holtz, In wassern, an weide, an grefunge, In wesen, Inn eckern gewonnen vnd vngewonnen, mit all seinen grenitzen vnd zcubehorungen, na odder ferne, wie man das benumen mag, keins dar vffgenommen odder getzogen, Denn alleine acht vnd Zweintzig scheffl mollenpacht darselbft vff der mollen zu dem Briesen, vrtzeihen scheffl fallende vff Ostern, sieben vff Johannis Baptiste vnd sieben vff Michaelis alle Jar Jerlichen, die wir denne wollen behalden vor vns, vnser erben vnd nachkomen, vnd ein virteil des puschs, als is leit mit seinen grenitzen. Wer es aber sache, das wir sothan pacht acht vnd zweintzig gantz oder by teilen verkewffen wolden, globen wir sy nymande zcu uerkewffen, denn den obgnanten brudern Carthusern vnd suft einem andern mit oren willen vnd vulbort, ap sy sodan pacht nicht kawffen wolden, wenn wir In den zcuuorn angeboten haben vor zcwei hundert schock vnd newn vnd achtzig schock merkische muntze, vff disse Zceit genge vnd gebe Inn der marck zu Brandenburg, Welch summe gelts beide vor das dorff vnd pusche vnd suft vor alle vnser gerechtikeithen haben vns die gnanten Carthusern mit reitem gelde gantz vnd all wol zu dancke betzalet, der wir sy quit, ledig vnd los sagen vor vns, vnser erben Inn craft disses briues. etc. — — — By dissem vorgeschribnen kouff

vnd artikl sein gewest als getzewge vnd gebeten frunde die Erbarn vnd veltsten heinrich Gelnitz, der olde, Bartisch Golitz, hans Stëinkeller, zu Conersdorff besessen, vnd peter Eichendorf, zu petersdorff gefessen, an der vorbenomten Strantze teil vnd der würdig Magister Johannes wulueram, Official zcu franckfurt, her Mattheus Moritz, defs vorbenumpten officials Schreiber vnd die Ersamen wolweisen Albrecht Tide, burgermeister zu franckfurt vnd peter petersdorff, burger darselbst, an der Carthuser teil. Defs zcu urkunt vnd grosfer wissenheit haben wir vorbenumpten valentin vnd peter ein itzlicher sein Ingelgl vnden an dissen briue lassen hengen mit wissenschaft vnd wir heinrich vnd herman mit meinem vnmundigen Bruder Bartholomeus, defs naturlichen vormunder wir sind, alle sampt Bekennen offenbar Inn demselbigen briue, das disser vorschreibner kouff vnd verlassung ist gescheen mit vnfern vulbort vnd guten willen vnd sein gegenwertig gewest vnd globen all disse vorgeschribnen stücke vnd artickell disses briues den egenanten Carthusern vnd allen eren nachkomlingen stete vnd veste zu halten one arg vnd hullsereide, Vnd haben zu vrkunt vnd wissenheit vnser Insigl ein itzlicher als nemlich ich heinrich vor mich vnd ich herman vor mich vnd meinen vnmundigen Bruder Bartholomeus auch lassen hengen boneden an dissen bryue by vnser vetter Insigl, der geben ist Im Carthus vor franckford, Nach Cristli geburt Virzehenhundert Jar darnach Im drei vnd newntzigsten Jare, am tag cathedra petri.

Nach dem Copialbuche des Carthäuser-Klosters, No. 116b.

XCVIII. Der Abt und Conuent des Klosters Neu-Zelle verkauft dem Carthause die Dörfer Lyndow und Brieskow mit dem Brieskower See, am 25. Mai 1494.

Wy Philippus, Abt, lucas, prior, Matheus, die Olde her, Johannes, Subprior, Nicolaus, kornmeister, Jacobus, Bursarius vnd gantze Conuent defs Closters Nyentzelle, Cistercienser ordens, meinslich gestichtes, In deme lautzitzynne lande gelegen, Bekennen apenbar In dissem vnsem apen briue, dat wy met willen vnd vulbort defs Werdigen Inn got hern vnd vaters hern petri, Sacre theologie professoris vnd thu lehnyn Abt, defs gnanten hufses Reformatoris, vnd ock met willen vnd vulbort defs werdigen vaters vnd hern, hern Martini, Sacre theologie professoris, thu der Olden tzellen Abt vnd des gnanten hufses visitatoris, Ock met guden vorrade vnd wolbedachtem mude eyndrechtlich hebben egentlichen to einem rechten erfkope to ewigenn tyden sonder alle wederkop recht vnd redlich verkofft vnd gegenwertigen verkopen, In craft dits briues, den Andechtigen geistlichen hern vnd Brudern hern Johan, priori, vnd dem gantzen Conuent vnd allen eren nbakamenden defs hufses, gades barmherticheit genuhmet, Carthuser ordens, vor franckenforde Inn dem gestifte to lubufs gelegen, die twe dorpe lyndow vnd wryfsk meth dem wryfsker See gantz vnd all, met synen steden vnd grenitzen, als wy vnd vnse vorfaren von older beseten hebben, Ock met den wesen vnd cleynen See liggende bynnen den grenitzen vnd enden, Als hira geschreuen stet, Antohrfenden den wryfsker See neder bet dar dy Bysteritze fallet in den gnanten wryfsker See vnd vorth die